



# SLUŽBENI GLASNIK

## OPĆINE BUŽIM

Godina XXVIII - Broj 11	29. 12. 2023 BUŽIM	Izdanje na bosanskom jeziku
-------------------------	-----------------------	--------------------------------

---

### OPĆINSKO VIJEĆE

**138.**

Na osnovu člana 66. Zakona o građevinskom zemljištu Federacije Bosne i Hercegovine („Službene novine Federacije Bosne i Hercegovine“, broj: 67/05), člana 42. stav 2. Odluke o građevinskom zemljištu („Službeni glasnik općine Bužim“, broj: 01/10) i člana 24. tačka 2. Statuta općine Bužim („Službeni glasnik općine Bužim“, broj: 12/15) i člana 118. Poslovnika o radu Općinskog vijeća općine Bužim („Služben glasnik općine Bužim“, broj:13/16), Općinsko vijeće općine Bužim, na redovnoj XXIX (dvadesetdevetoj) sjednici održanoj dana ,

21.12.2023. godine, donosi:

**ODLUKU**  
**o utvrđivanju bazne cijene kao osnovice za**  
**obračun naknade za uređenje građevinskog**  
**zemljišta za 2024. godinu na područje**  
**općine Bužim**

#### Član 1.

Ovom Odlukom utvrđuje se visina bazne cijene kao osnovica za obračun naknade uređenje građevinskog zemljišta i to za zemljišta za koja nije utvrđen stvarni trošak pripremanja i opremanja

prema programu uređenja građevinskog zemljišta na području općine Bužim.

### Član 2.

Bazna cijena kao osnovica za obračun naknade za uređenje građevinskog zemljišta iz člana 1. ove Odluke utvrđuje se u iznosu od: 75,00 KM.

### Član 3.

Ova odluka stupa na snagu danom donošenja, a objavit će se u Službenom glasniku općine Bužim, u slučaju da se nova Odluka za narednu 2025-u godinu ne donese do 31.03.2025. godine, dalje se primjenjuje ova Odluka sve do donošenja nove Odluke.

Broj: 01-11-4142/23                      PREDSJEDAVALAČ

Bužim, 21.12.2023                      OPĆINSKOG VIJEĆA

Hasan Hilić, s.r.

## 139.

Na osnovu člana 12. stav 2. tačka č) Zakona o lokalnoj samoupravi Unsko-Sanskog Kantona ("Službeni glasnik USK" broj: 8/11) i člana 24. stav 1. tačka 2. Statuta općine Bužim ("Službeni glasnik općine Bužim" broj: 12/15), Općinsko vijeće općine Bužim na XXIX (dvadesetdevetoj) redovnoj sjednici održanoj dana 21.12.2023. godine, donijelo je:

### **O D L U K U**

#### **o davanju saglasnosti za potpisivanje sporazuma u projektu uređenja korita Bužimnice**

### Član 1.

Ovom Odlukom daje se saglasnost Općinskom načelniku da sa Međunarodnom organizacijom za migracije, Misija u Bosni i Hercegovini (u daljem tekstu IOM) potpiše Sporazum o sufinansiranju

projekta uređenja korita Bužimnice u dužini od 150,00 metara od profila označenog u projektu od kružnog toka P-166+30 do P 169+30.

### Član 2.

Projekat iz člana 1. Ove Odluke obuhvata uređenje korita Bužimnice u dužini od 150,00 metara od profila označenog u projektu od kružnog toka P-166+30 do P 169+30, a koji prema predmjeru i predračunu iznosi 340.967,25 KM.

### Član 3.

Učesnici u realizaciji projekta iz prethodnog člana, su:

- IOM,
- Vlada USK,
- Općina BUŽIM

Nosilac aktivnosti realizacije projekta je IOM.

Finansijska sredstva za realizaciju projekta iz ove Odluke obezbjedit će se na način:

- IOM u iznosu od 163.967,25 KM,
- Vlada USK u iznosu od 140.000,00 KM,
- Općina Bužim u iznosu od 37.000,00 KM.

### Član 4.

Finansijska sredstva iz člana 3. stav 3. tačka 2. i 3. ove Odluke u iznosu od 177.000,00 KM općina Bužim uplatit će na račun nosioca aktivnosti.

### Član 5.

Ova Odluka stupa na snagu danom donošenja, a objavit će se u Službenom glasniku Općine Bužim.

Broj: 01-11-4162/23                      PREDSJEDAVALAČ

Bužim, 21.12.2023                      OPĆINSKOG VIJEĆA

Hasan Hilić, s.r.

**140.**

Na osnovu člana 24. stav 1. tačka 8. Statuta općine Bužim ( „Službeni glasnik općine Bužim", broj: 12/15) i člana 118. Poslovnika o radu Općinskog vijeća općine Bužim, broj:13/16), Općinsko vijeće općine Bužim, na redovnoj XXIX (dvadesetdevetoj) sjednici održanoj dana 21.12.2023. godine, **donosi:**

**ODLUKU****Član 1.**

Ovom Odlukom odobrava se općini Bužim kao korisniku sredstava izdavanje tri (3) mjenica bez protesta sa mjeničnom izjavom sa rokom važenja tri mjeseca po isteku roka realizacije Ugovora o dodjeli sredstava, do iznosa od 151.700,00 KM, na ime namjene dodjeljenih sredstava Fonda za zaštitu okoliša Federacije Bosne i Hercegovine za sufinansiranje projekta „Osiguranje potrebnih rezervnih količina vode radi prevencije od požara na području MZ Konjodor i Brigovi, a u skladu sa Ugovorom o dodjeli finansijskih sredstava, br. 01-09-2-3281/22 od 29.08.2022. godine i Anex-om Ugovora, br. 01-09-2-2455/2023. od 18.07.2023. godine.

Zadužuje se Općinski načelnik da u Odluci o budžetu općini Bužim i Odluci o izvršenju budžeta općine Bužim za 2024. godinu planira finansijska sredstava u visini iznosa iz prednjeg stava, a za svrhu osiguranja realizacije projekta iz ove Odluke.

**Član 2.**

O sprovođenju ove Odluke, starat će se Općinski načelnik općine Bužim, putem Službe za prostorno uređenje, imovinsko-pravne poslove i Službe za budžet i finansije.

**Član 3.**

Ova odluka stupa na snagu danom donošenja, a objavit će se u Službenom glasniku općine Bužim.

Bužim, 21.12.2023

OPĆINSKOG VIJEĆA

Hasan Hilić, s.r.

**141.**

Na osnovu člana 49. Zakona o organizaciji organa uprave u FBiH ("Službene novine FBiH" broj:35/05), člana 21. Zakona o lokalnoj samoupravi Unsko-Sanskog Kantona ("Službeni glasnik USK" broj: 8/11) i člana 24. stav 1. tačka 19. Statuta općine Bužim ("Službeni glasnik općine Bužim" broj: 12/15), Općinsko vijeće općine Bužim na XXIX (dvadesetdevetoj) redovnoj sjednici održanoj dana 21.12.2023. godine, **donijelo je:**

**ODLUKU****o izmjeni i dopuni Odluke o organizaciji i djelokrugu rada općinskog organa uprave općine Bužim****Član 1.**

U Odluci o organizaciji i djelokrugu rada općinskog organa uprave općine Bužim (Službeni glasnik Općine Bužim broj: 4/21 i 11/21) vrše se sljedeće izmjene i dopune kako glasi:

U članu 14. stav (1) u alinejama 1, 3, i 5 riječi komunalnih poslova se brišu, alineja 10. se briše, a u alineji 19. riječi komunalne infrastrukture se brišu, a dosadašnje alineje od 11.do 24., postaju alineje od 10. do 23.

**Član 2.**

U članu 16. stav (1) iza alineje 17. dodaje se nova alineja 18. koja glasi: Sprovođenje i izvršavanje zakona i drugih propisa, općih akata iz oblasti komunalnih poslova, priprema stručnih mišljenja i objašnjenja za primjenu zakona iz oblasti komunalnih poslova, izrada elaborate, programa iz oblasti komunalnih poslova, praćenje i izvršavanje poslova iz oblasti komunalne potrošnje, vođenje prvostepenog upravnog postupka iz oblasti komunalnih poslova kao i vršenje drugih poslova iz komunalne oblasti.

Dosadašnje alinje 18.,19.,20., i 21., postaju alineje 19., 20., 21., i 22.,

### Član 3.

Općinski načelnik će nakon stupanja na snagu ove Odluke najkasnije u roku od 30. dana donijeti Pravilnik o unutrašnjoj organizaciji i sistematizaciji radnih mjesta općinskog organa uprave Općine Bužim usaglašen sa odredbama ove Odluke.

### Član 4.

Ova Odluka stupa na snagu osmog dana od objavljivanja u Službenom glasniku Općine Bužim.

Broj: 01-02-3336/23                      PREDSJEDAVALJUĆI  
Bužim, 21.12.2023                      OPĆINSKOG VIJEĆA  
Hasan Hilić, s.r.

## 142.

Na osnovu člana 47. stav 1. Zakona o komunalnoj djelatnosti ("Sl.glasnik US Kantona", broj: 4/11,11/11, 6/12 i 13/12), člana 7. i 11. Odluke o komunalnoj naknadi ("Sl.glasnik općine Bužim, broj: 6/12 i 2/14 ) i člana 38. stav 1. tačka 17. Statuta općine Bužim ("Sl. glasnik općine Bužim", broj: 12/15), Općinsko vijeće općine Bužim na XXIX (dvadesetdevetoj) redovnoj sjednici održanoj dana 21.12.2023. godine, **donijelo je :**

### ODLUKU

#### **o utvrđivanju vrijednosti boda za komunalnu naknadu**

### Član 1.

Ovom odlukom utvrđuje se vrijednost boda (VB) za obračun komunalne naknade za 2024. godinu u iznosu od:

- za objekte iz člana 7. stav 2. Odluke o komunalnim naknadama vrijednost boda iznosi 0,020 KM/m<sup>2</sup>,

- poslovni prostor u upotrebi ostalih pravnih lica 0,015 KM/m<sup>2</sup>,

- poslovni prostor iznajmljen od strane vlasnika pravnom subjektu 0,015 KM/m<sup>2</sup>,

- poslovni prostor kojeg koristi vlasnik za svoje potrebe (ostava i sl.) 0,007 KM/m<sup>2</sup> i

- stambeni prostor 0,007 KM/m<sup>2</sup>.

### Član 2.

Obračun i naplatu komunalne naknade iz člana 1. ove odluke vršiti će Služba za prostorno uređenje, geodetske i imovinsko-pravne poslove i Služba za finansije i trezor.

### Član 3.

Uplata sredstava komunalne naknade vršiti će se na depozitni račun javnih prihoda općine Bužim u svrhu realizacije Programa održavanja i modernizacije komunalnih objekata i uređaja zajedničke komunalne potrošnje.

### Član 4.

Stupanjem na snagu ove Odluke prestaje da važi Odluka o utvrđivanju boda za komunalnu naknadu ("Sl.glasnik općine Bužim", broj: 5/23).

### Član 5.

Ova Odluka stupa na snagu osmog dana od dana objavljivanja u Sl. glasniku općine Bužim.

Broj: 02-11-3989/23                      PREDSJEDAVALJUĆI  
Bužim, 21.12.2023                      OPĆINSKOG VIJEĆA  
Hasan Hilić, s.r.

## 143.

Na osnovu člana 66. Zakona o građevinskom zemljištu Federacije Bosne i Hercegovine („Službene novine Federacije Bosne i

Hercegovine", broj: 67/05), člana 31. Odluke o građevinskom zemljištu („Službeni glasnik općine Bužim", broj: 01/10), člana 24. tačka 2. Statuta općine Bužim ( „Službeni glasnik općine Bužim", broj: 12/15) i člana 118. Poslovnika o radu Općinskog vijeća općine Bužim, broj:13/16), Općinsko vijeće općine Bužim, na redovnoj XXIX (dvadesetdevetoj) sjednici održanoj dana 21.12.2023 godine, **donosi** :

### **O D L U K U**

#### **o utvrđivanju prosječne konačne građevinske cijene 1 m<sup>2</sup> korisne stambene površine u 2024. godini na području općine Bužim**

##### **Član 1.**

Ovom Odlukom se utvrđuje prosječna konačna građevinska cijena 1 m<sup>2</sup> korisne stambene površine u 2024. godini na području općine Bužim.

##### **Član 2.**

Prosječna konačna građevinska cijena 1 m<sup>2</sup> korisne stambene površine u 2024. godini na području općine Bužim, **i z n o s i** : 700,00 KM

##### **Član 3.**

Cijena iz tačke II ove Odluke valorizuje se svaka tri mjeseca shodno indeksu rasta cijena u građevinarstvu u visokogradnji i niskogradnji prema sumarnoj metodologiji i podacima objavljenim od strane Zavoda za statistiku F BiH.

O sprovođenju ove odluke starat će se Općinski načelnik općine Bužim, putem Službe za prostorno uređenje, imovinsko-pravne poslove.

##### **Član 4.**

Ova odluka stupa na snagu danom donošenja, a objavit će se u Službenom glasniku općine Bužim, u slučaju da se ne donese nova Odluka do 31. 03. 2025. godine, primjenjivat će se Odluka iz 2024. godine do donošenja nove Odluke.

Broj: 01-11-4143/23

Bužim, 21.12.2023

PREDSJEDAJUĆI

OPĆINSKOG VIJEĆA

Hasan Hilić, s.r.

### **144.**

Na osnovu člana 7. stav 4. Zakona o stvarnim pravima F BiH (“Službene novine Federacije BiH, broj: 66/13 i 100/13), a uvezi sa članom 10. stav 1. i 3. Zakona o cestama Federacije BiH (“Službene novine Federacije BiH, broj: 12/10, 16/10 i 66/13), te člana 24. stav 1. tačka 5., 7. i 28. Statuta Općine Bužim (Službeni glasnik Općine Bužim, broj: 12/15), u predmetu promjene statusa nekretnine u javnoj upotrebi, u postupku koji se vodi na temelju zahtjeva Rodaljević (Ibrahim) Remzije iz Bužima, Lubarda br. 148, od 31.08.2023. godine, Općinsko vijeće Općine Bužim na XXIX (dvadesetdevetoj) redovnoj sjednici održanoj dana 21.12.2023. godine, **donosi**:

### **O D L U K U**

#### **o promjeni statusa nekretnine u javnoj upotrebi**

##### **Član 1.**

Ukida se status dobra u općoj upotrebi na nekretnini označenoj kao k.č. br. 1530/2, “Rodaljevići”, nekategorisani put, površine 14 m<sup>2</sup>, upisana u zk. ul. br. 276 K.O. Lubarda, kao dobro u općoj upotrebi-putevi.

##### **Član 2.**

Nekretnina iz člana 1. Ovog rješenja postaje ostalo neplodno zemljište.

Nastale promjene u evidencijama katastra nekretnina općine Bužim provest će Služba za prostorno uređenje, geodetske i imovinsko-pravne poslove, te u zemljišno-knjižnim evidencijama Općinskog suda Bos. Krupa, Odjeljenje u Bužimu, provest će Zemljišnoknjižni ured ovog suda, a nakon stupanja na snagu Odluke.



**147.**

Na osnovu člana 24. tačka 19., a u vezi sa članom 107. Statuta općine Bužim («Službeni glasnik općine Bužim», broj: 12/15), te člana 128. Poslovnika Općinskog vijeća općine Bužim («Službeni glasnik općine Bužim», broj: 3/16), Općinsko vijeće općine Bužim, na redovnoj XXIX (dvadesetdevetoj) sjednici, održanoj dana 21.12.2023. godine, **donosi:**

**ZAKLJUČAK****I**

Usvaja se izvještaj JU OŠ Bužim u Bužimu o uspjehu i vladanju učenika za 2022/23. godinu, br. 552/23 od 03.11.2023. godine.

**II**

Zaključak stupa na snagu danom donošenja, i isti će se objaviti u Službenom glasniku općine Bužim.

Broj: 01-34-3570/23                      PREDSEDavajući

Bužim, 21.12.2023                      OPĆINSKOG VIJEĆA

Hasan Hilić, s.r.

**148.**

Na osnovu člana 24. tačka 19., a u vezi sa članom 107. Statuta općine Bužim («Službeni glasnik općine Bužim», broj: 12/15), te člana 128. Poslovnika Općinskog vijeća općine Bužim («Službeni glasnik općine Bužim», broj: 3/16), Općinsko vijeće općine Bužim, na redovnoj XXIX (dvadesetdevetoj) sjednici, održanoj dana 21.12.2023. godine, **donosi:**

**ZAKLJUČAK****I**

Usvaja se izvještaj JU OŠ Suljo Mirvić Konjodor o uspjehu i vladanju učenika za 2022/23. godinu, br. 8-355-2/23 od 30.08.2023. godine.

**II**

Zaključak stupa na snagu danom donošenja, i isti će se objaviti u Službenom glasniku općine Bužim.

Broj: 01-34-3210/23                      PREDSEDavajući

Bužim, 21.12.2023                      OPĆINSKOG VIJEĆA

Hasan Hilić, s.r.

**OPĆINSKI NAČELNIK****149.**

Na osnovu člana 44. i 63. Zakona o plaćama i naknadama u organima vlasti Federacije BiH („Službene novine Federacije BiH “ broj: 45/10. i 111/12, 20/17 i 22/19-odluka Ustavnog suda) , člana 47. Zakona o plaćama i naknadama u organima vlasti Unsko-sanskog kantona Federacije BiH (Službeni glasnik USK, broj 11/15 i 24/18), a u vezi sa članom 24 i 28. Kolektivnog ugovora za službenike organa uprave i sudske vlasti u Federaciji BiH (Službene novine Federacije BiH, broj: 98/23) člana 40. Odluke o plaćama i naknadama državnih službenika i namještenika u općinskom organu uprave Općine Bužim (Sl.glasnik općine Bužim, broj: 8/23 ) člana 38. Statuta Općine Bužim („Službeni glasnik općine Bužim", broj: 12/15) Općinski načelnik općine Bužim uz prethodno pribavljeno mišljenje Sindikalne organizacije Općinske uprave općine Bužim, broj:62/23 godine, **donosi:**

**PRAVILNIK**

**o plaćama i naknadama državnih službenika i namještenika u Jedinostvenom općinskom organu uprave Općine Bužim**

**DIO PRVI –UVODNI DIO**

**Član 1.**

(Predmet Pravilnika)

Ovim Pravilnikom uređuju se plaće, naknade, visina i način ostvarivanja prava na naknade i dodatke na plaću državnih službenika i namještenika u Jedinostvenom općinskom organu uprave Općine Bužim (u daljem tekstu: Općinski organ uprave)

**Član 2.**

(Definicija pojmova korištenih u ovom Pravilniku)

1) Pojmovi korišteni u ovom Pravilniku imaju sljedeća značenja:

1) „organ državne službe,, u smislu ovog pravilnika, predstavlja Jedinostveni općinski organ uprave Općine Bužim;

2) „rukovodilac općinskog organa uprave,, u smislu ovog pravilnika je Općinski načelnik;

3) „radno mjesto „ je pozicija utvrđena Pravilnikom o unutrašnjoj organizaciji organa državne službe na koju se postavlja državni službenik, namještenik za vršenje poslova utvrđenih za to radno mjesto;

4) „platni razred,, predstavlja razvrstavanje radnih mjesta utvrđenih Pravilnikom o unutrašnjoj organizaciji organa državne službe u određene pozicije radi određivanja iznosa osnovne plaće državnog službenika i namještenika.

5) „koeficijent,, predstavlja brojčanu vrijednost koja se iskazuje arapskim brojevima za svaku poziciju radnog mjesta koje su razvrstane u platne razrede organa državne službe i služi za utvrđivanje visine osnovne plaće;

6) „osnovica za obračun plaće,, predstavlja novčani iznos u konvertibilnim markama (u daljem tekstu: KM) koji se koristi za određivanje osnovne plaće.

7) „bod za obračun plaće“ predstavlja brojčanu vrijednost koja množenjem sa osnovicom za plaću i utvrđenim koeficijentom platnog razreda daje osnovnu plaću državnog službenika i namještenika.

**Član 3.**

(Načela za utvrđivanje visine plaće)

1) Pri određivanju iznosa i naknada za lica iz člana 1. ovog Pravilnika poštivat će se sljedeća načela:

a) Ista plaća za isto radno mjesto: prema osnovnom načelu zaposleni u općinskom organu koji obavljaju poslove istog radnog mjesta, odnosno iste ili slične poslove imaju pravo na istu osnovnu plaću po vrsti i stepenu stručne spreme, izuzev ako to nije ovim Pravilnikom drugačije određeno.

b) Transparentnost: u skladu sa ovim načelom, prilikom raspisivanja javnih konkursa i oglasa za popunjavanje radnih mjesta obavezno se objavljuje podatak o pripadajućoj neto plaći za oglašeno radno mjesto.

c) Fiskalna odgovornost: u skladu sa ovim načelom vodeći računa o nesmetanom funkcionisanju općinskog organa, rukovodilac organa uprave će za korisnike budžeta koje tretira ovaj Pravilnik utvrditi jedinstven isplatni koeficijent za obračun plaće u određenom postotku za fisklanu godinu ukoliko to zahtjeva održavanje makroekonomske stabilnosti u skladu sa Zakonom o budžetima u Federaciji Bosne i Hercegovine.

**Član 4.**

(Budžetsko osiguranje sredstava za plaće i naknade)

Finansijska sredstva za plaće, naknade i druga primanja zaposlenih u Općinskom organu uprave planiraju se i osiguravaju u budžetu Općine Bužim (u daljem tekstu: Budžet Općine).

**Član 5.**

( Način utvrđivanja osnovice za plaću i boda za obračun plaće)

(1) Općinski načelnik u dogovoru sa sindikatom utvrđuje osnovicu za plaću i bod za obračun plaće. Utvrđivanje osnovice i boda vršiće se u pregovorima između Općinskog načelnika s jedne strane i reprezentativnog sindikata s druge strane sporazumom a prije usvajanja budžeta za narednu godinu.



(2) Ukoliko se ne postigne dogovor između Općinskog načelnika i sindikata, Općinski načelnik će Odlukom utvrditi osnovicu za plaću i bod za obračun plaće pri čemu visina osnovice ne može biti niža od prethodno dogovorene, odnosno važeće.

(3) Osnovica za obračun plaće ne može biti veća od dogovorene osnovice na federalnoj razini. Osnovica za obračun plaće usklađivat će se sa odredbama Zakona o budžetima u Federaciji Bosne i Hercegovine, odnosno sa raspoloživim sredstvima za ove namjene predviđenim u budžetu Općine Bužim.

#### **Član 6.**

( Elementi za utvrđivanje osnovne plaće )

(1) Osnovna plaća se utvrđuje množenjem osnovice za plaću i boda za obračun plaće, utvrđenu na način iz člana 5. ovog Pravilnika, sa utvrđenim koeficijentom platnog razreda i tako utvrđeni iznos uvećava se za 0,6 % za svaku započetu godinu penzijskog staža lica iz člana 1. ovog Pravilnika, a najviše do 20%.

(2) Osnovna plaća ne može biti manja od 70 % prosjeka neto plaće isplaćene u Federaciji Bosne i Hercegovine, prema posljednjem objavljenom statističkom podatku u protekla tri mjeseca, a utvrđuje se množenjem osnovice za plaću i boda za obračun plaće sa koeficijentom najnižeg platnog razreda.

(3) U slučaju da množenjem utvrđene osnovice i boda za obračun plaće i najnižeg koeficijenta platnog razreda osnovna plaća iznosi manje od 70 % prosječne plaće, uposleniku će se isplatiti plaća u navedenom postotku.

(4) Osnovna plaća obračunava se i iskazuje mjesečno za puno radno vrijeme, prema radnom mjestu i odgovarajućem platnom razredu.

(5) Ukoliko uposlenik radi sa nepunim radnim vremenom u skladu sa posebnim zakonom ili drugim propisima, osnovna plaća odredit će se srazmjerno vremenu provedenom na radu.

(6) Puno radno vrijeme zaposlenih je 40 sati sedmično.

#### **DIO DRUGI- PLAĆE I NAKNADE**

Odjeljak A. Osnovna plaća

#### **Član 7.**

(Određivanje plaće prema radnim mjestima)

Državni službenik i namještenik ima pravo na plaću koja odgovara radnom mjestu na koje je državni službenik odnosno namještenik postavljen.

#### **Član 8.**

( Bruto i neto plaća)

Plaća uposlenika utvrđuje se u bruto i neto iznosu.

Plaća u bruto iznosu obuhvaća neto plaću, poreze i doprinose.

Plaća se obračunava za jedan mjesec unatrag i isplaćuje za prethodni mjesec.

Plaća se utvrđuje rješenjem kojeg donosi Općinski načelnik.

Rješenje sadrži: osnovne podatke uposlenika, radno mjesto na koje je postavljen, platni razred i sve elemente koji su uzeti u obzir za utvrđivanje visine plaće.

Podaci o plaćama uposlenika su javni. Sve izmjene o visini plaće vrše se rješenjem kojeg donosi Općinski načelnik.

#### **Član 9.**

(Platni razredi i koeficijenti)

Rukovodeći i ostali državni službenici se razvrstavaju u VIII (osam) platnih razreda. Za platne razrede utvrđuju se koeficijenti za plaće kako slijedi:

<b>Platni razred</b>	<b>Radno mjesto</b>	<b>Koeficijent</b>
I	Sekretar Općinskog organa uprave	6,20
II	Pomoćnik Općinskog načelnika	5,70
III	Šef službe koja u svom sastavu nema unutrašnje organizacione jedinice	5,20
IV	Šef unutrašnje organizacione jedinice	4,50
V	Inspektor	4,30
VI	Stručni svajetnik	4,10
VII	Viši stručni saradnik	3,90
VIII	Stručni saradnik	3,70

#### Član 10.

(Platni razredi i koeficijenti namještenika)

Utvrđuju se slijedeći platni razredi i koeficijenti za namještenike:

<b>Platni razred</b>	<b>Radno mjesto</b>	<b>Koeficijent</b>
I	Viši samostalni referent (VšS) Komunalni redar	3,10
II	Samostalni referent VšS	3,00
III	Viši referent (SSS) i VKV radnik	2,70
IV	Referent i KV radnik III i IV stepen	2,60
V	Pomoćni radnik i NK radnik, čistačica-spremačica	1,85

Odjeljak B. Dodaci na plaću

#### Član 11.

(Vrste dodataka na plaću)

Državni službenik i namještenik ima pravo na dodatke na plaću koji su utvrđeni u odredbi člana 12. ovog Pravilnika.

#### Član 12.

(Dodaci na plaću po osnovu posebnih uvjeta za rad)

(1) Dodatak na plaću za poslove radnih mjesta koja se vrše pod posebnim uvjetima rada i visina dodataka za državne službenike i namještenike koji rade na tim poslovima iznosi:

a) inspektori (urbanističko građevinski inspektor, komunalno-vodni inspektor) 20 % od osnovne plaće

b) Vatrogasci (starješinu vatrogasne jedinice, komandira grupe, vatrogasca – vozača specijalnih vozila, vatrogasca – automehaničara, i vatrogasca – serviser aparata za gašenje požara i izolacionih aparata) 10 % od osnovne plaće

(2) Poseban dodatak iz stava 1. ovog člana obračunava se na osnovnu plaću bez dijela plaće po osnovu radnog staža i čini sastavni dio plaće.

(3) O ostvarivanju prava na dodatak na plaću utvrdit će se rješenjem.

#### Član 13.

Licima zaposlenim na radnom mjestu: starješina vatrogasne jedinice, komandira grupe, vatrogasca – vozača specijalnih vozila, vatrogasca – automehaničara, i na radnom mjestu vatrogasca – servisera gašenja požara i izolacionih aparata uplaćivati će se dodatno osiguranje u iznosu od 3 % u skladu sa Zakonom o doprinosima („Službene novine Federacije BiH., broj: 35/98, 54/00, 16/01, 37/01, 1/02 i 17/06, 19/08) i Odlukom o utvrđivanju radnih mjesta u profesionalnoj vatrogasnoj jedinici na kojima se radni staž osiguranja računa u uvećanom trajanju i načinu uplate doprinosa za staž osiguranja u uvećanom trajanju („ Službene novine Federacije BiH broj: 8/11.)

Odjeljak C. Naknade

#### Član 14.

Državni službenik i namještenik ima pravo na naknadu utvrđene odredbama člana 15.do 28 ovog Pravilnika.

#### **Član 15.**

( Naknada za prekovremeni rad, rad u neradne dane, noćni rad i rad u državne praznike )

(1) U slučaju prekovremenog rada, rada u neradne dane, noćnog rada ili rada u državne praznike, državni službenik i namještenik ima pravo na naknadu osnovne plaće, srazmjerno vremenu trajanja tog rada, uvećanu za:

- a) prekovremeni rad najmanje 50 %
- b) rad u dane sedmičnog odmora najmanje 30%
- c) noćni rad između 22 h i 06h najmanje 35 %
- d) rad u dane praznika koji su po zakonu državni praznici najmanje 50 %

(2) Uvećanja iz stava (1) ovog člana se međusobno ne isključuju.

(3) Obračun naknade iz stava 1. ovog člana vrši se od osnovne plaće bez dijela plaće po osnovu penzijskog staža/staža osiguranja i čini sastavni dio plaće.

#### **Član 16.**

(Plaćeni dopust)

Državni službenik i namještenik ima pravo na naknadu plaće za plaćeni dopust u visini svoje neto plaće iz predhodnog mjeseca u skladu sa Kolektivnim ugovorom i Pravilnikom o radnim odnosima.

#### **Član 17.**

(Naknada za ishranu tokom rada - topli obrok)

(1) Državni službenik i namještenik ima pravo na novčanu naknadu za ishranu u toku rada (topli obrok) u neto iznosu od 1% prosječne neto plaće isplaćene u Federaciji Bosne i Hercegovine po posljednjem objavljenom statističkom podatku.

(2) Državni službenik i namještenik ne ostvaruje pravo na naknadu za topli obrok za dane odsustvovanja sa posla po bilo kom osnovu (službeni put, plaćeno odsustvo, godišnji odmor, bolovanje i sl

(3) Naknada iz stava 1. se isplaćuje na osnovu evidencije o prisustvu na poslu.

#### **Član 18.**

(Naknada regres za godišnji odmor)

(1) Državni službenik i namještenik ima pravo na novčanu naknadu na ime regresa za korštenje godišnjeg odmora u visini 50 % prosječne neto plaće isplaćene u Federaciji Bosne i Hercegovine po zadnjem objavljenom statističkom podatku za tri mjeseca.

(2) Pravo na regres iz stava (1) ovog člana ima svaki državni službenik i namještenik koji u toku tekuće kalendarske godine ima pravo na godišnji odmor.

(3) Pravo na regres iz stava (1) i (2) ovog člana utvrđuje se rješenjem o korištenju godišnjeg odmora kojeg donosi Općinski načelnik putem službe za opću upravu, a isplaćuje se u drugoj polovini jula tekuće godine .

(4) Za državne službenike i namještenike koji pravo na regres ostvare kasnije regres se isplaćuje po ostvarenju tog prava.

#### **Član 19.**

(Naknada za bolovanje)

(1) Državni službenik i namještenik ima pravo na naknadu plaće za vrijeme privremene spriječenosti za rad (bolovanje) do 42 kalendarska dana u visini njegove neto plaće isplaćene za predhodni mjesec.

(2) Naknada plaće za bolovanje preko 42 dana iz stava (1) ovog člana ostvaruje se po propisima kantona, kojim se uređuje naknada za ovo bolovanje, s tim da razliku do pune plaće isplaćuje općinski organ uprave u kojem se državni službenik i namještenik nalazi u radnom odnosu.

(3) Privremena spriječenost za rad (bolovanje) dokazuje se Izvještajem o privremenoj spriječenosti za rad-doznakom izdatom od nadležne zdravstvene ustanove.

#### Član 20.

(Naknada za porodiljski dopust)

(1) Državni službenik i namještenik za vrijeme porodiljskog dopusta ima pravo na naknadu plaće prema propisima kantona kojim se uređuje ova oblast, prema mjestu uplate doprinosa s tim da razliku do visine pune plaće uplaćuje organ državne službe u kojem se državni službenik i namještenik nalazi u radnom odnosu.

(2) Porodiljski dopust dokazuje se Izvještajem o privremenoj spriječenosti za rad- doznakom izdatom od nadležne zdravstvene ustanove.

#### Član 21.

( Naknada za službeno putovanje)

(1) Državni službenik i namještenik ima pravo na naknadu za troškove službenog putovanja izvan Unsko-sanskog kantona na području Federacije Bosne i Hercegovine, odnosno Bosne i Hercegovine, kao i za putovanja u inostranstvo, na koje se upućuju na izvršenje službenog zadatka i stručnog usavršavanja.

(2) Visina i način ostvarivanja naknade iz stava (1) ovog člana utvrđuje se posebnim Pravilnikom o službenim putovanjima kojeg donosi Općinski načelnik putem nadležne službe.

(3) Državnom službeniku i namješteniku pripada naknada za službeni put ( troškovi prijevoza, troškovi prenoćišta, troškovi upotrebe privatnih automobila u službene svrhe) po cijeni prevozne karte i hotelskih računa za hotele do četiri zvjezdice i dnevni troškovi u obliku dnevnice za službeno putovanje na način i u visini utvrđenim posebnim propisima.

#### Član 22.

(Naknada za prijevoz na posao i sa posla)

(1) Državni službenik i namještenik kome nije organizovan službeni prijevoz na posao i sa posla, a čije je mjesto stanovanja od mjesta rada udaljeno minimalno od 2 kilometra, pripada naknada za troškove prijevoza.

(2) Pravo na naknadu troškova prijevoza ostvaruje se na osnovu pismenog zahtjeva državnog službenika , odnosno namještenika u kojem se navodi adresa stvarnog stanovanja u mjestu rada i da svakodnevno putuje od tog mjesta do mjesta rada.

(3) Uz zahtjev se prilaže pismeni dokaz pravnog lica koje vrši uslugu javnog prijevoza o cijeni mjesečne karte, obavijest o evidenciji prebivališta-boravišta i ovjerena pismena izjava da svakodnevno putuje na relaciji za koju traži naknadu. Državni službenik i namještenik kojem je rješenjem odobrena naknada za prijevoz na posao i sa posla dužan je obavijestiti o promjeni mjesta stanovanja, ukoliko bi ona imala uticaja na ostvareno pravo.

(4) Zlouboptreba korištenja naknade iz stava (1) ovog člana, smatra se materijalnom štetom i podliježe obavezi odgovornosti za tu štetu u skladu sa zakonom.

(5) Pravo na naknadu utvrđuje se rješenjem koje donosi Općinski načelnik putem službe za opću upravu i društvene djelatnosti.

#### Član 23.

( Naknada za slučaj povrede na radu, teške bolesti i invalidnosti)

(1) U slučaju povrede na radu, teške bolesti ili invalidnosti državnog službenika, namještenika ili člana njegove uže porodice isplaćuje se jednokratna novčana pomoć u visini od dvije prosječne neto plaće isplaćene u Federaciji prema zadnjem objavljenom statističkom podatku.

(2) Odlukom o uvjetima za korištenje prava na jednokratnu novčanu pomoć sa Listom teških bolesti i teških tjelesnih povreda na osnovu kojih državni službenik i namještenik može ostvariti pravo na jednokratnu novčanu pomoć Ministarstva zdravstva, rada i socijalne politike USK su utvrđeni

članovi uže porodice državnog službenika i namještenika u smislu stava (1) ovog člana.

(3) Pravo na jednokratnu novčanu pomoć državnog službenika i namještenika može po istom osnovu ostvariti samo jedan put.

(4) Izuzetno ako dođe do pogoršanja zdravstvenog stanja lica za koje se prima pomoć, a što se mora dokazati novom medicinskom dokumentacijom, može se pomoć odobriti i isplatiti još jedan put, ali ne u istoj budžetskoj godini.

(5) Ukoliko u općinskom organu rade dva ili više članova uže porodice, pravo na korištenje novčane pomoći po istom osnovu za člana uže porodice, može ostvariti samo jedan zaposleni član.

(6) Državni službenik i namještenik može ostvariti pravo na korištenje novčane pomoći, ako je obolio od sljedeće bolesti: maligno oboljenje, bubrežna insufijencija koja zahtjeva trajnu dijalizu, hirurška intervencija na srcu i mozgu, srčani i moždani infarkt, paraliza, kao i za druge teške bolesti i teške tjelesne povrede sa Liste teških bolesti i teških tjelesnih povreda na osnovu koji državni službenik i namještenik može ostvariti pravo na jednokratnu novčanu pomoć Ministarstva zdravstva, rada i socijalne politike Unsko-sanskog kantona.

(7) Državni službenik i namještenik može ostvariti pravo na novčanu pomoć za člana uže porodice iz stava (2) ovog člana u slučaju da je član uže porodice obolio od sljedeće bolesti: maligno oboljenje, bubrežna insufijencija koja zahtjeva trajnu dijalizu, hirurška intervencija na srcu i mozgu, srčani i moždani infarkt i paraliza.

(8) Pod teškim bolestima i teškim tjelesnim povredama iz ovog Pravilnika podrazumijevaju se bolesti oboljelog koji je:

a) koristio bolovanje (samo ukoliko je u radnom odnosu)

b) bio na bolničkom liječenju,

c) zadobio trajno oštećenje organizma, odnosno smanjenu radnu sposobnost.

(9) Da bi se bolest i povrede kvalificirali kao teške, moraju biti zadovoljeni svi uvjeti iz stava (8) ovog člana.

(10) Pravo na jednokratnu pomoć iz stava (1) ovog člana u skladu sa pozitivnim propisima odnosno po osnovu invalidnosti može se ostvariti za utvrđeni stepen invalidnosti od najmanje 60 %, a na osnovu ocjene Instituta za medicinsko vještačenje zdravstvenog stanja Sarajevo, Odjeljenje u prvom stepenu Bihać.

(11) Zahtjev za isplatu novčane naknade državnog službenika i namještenika podnosi Općinskom načelniku u roku od šest mjeseci od dana izdavanja nalaza nadležne zdravstvene ustanove kojim je prvi put konstatovana teška bolest ili teška povreda državnog službenika, namještenika ili člana uže porodice.

(12) Zahtjev za isplatu naknade u slučaju teške bolesti, povrede ili invalidnosti državnog službenika, namještenika ili člana njegove uže porodice treba da sadrži:

a) ime i prezime zaposlenika i obavijest o evidenciji prebivališta/boravšta

b) ime i prezime člana uže porodice ako se novčana pomoć traži za člana uže porodice, kao i dokaz o srodstvu (izvod iz matične knjige ili uvjerenje)

c) ovjerenu izjavu datu pod krivičnom i materijalnom odgovornošću o zajedničkom domaćinstvu sa članom uže porodice,

d) ovjerenu izjavu da član uže porodice ispunjava uvjete iz stava (2) ovog člana, uz navođenje tih uvjeta,

e) ovjerenu izjavu da je po istom osnovu samo jedan član uže porodice podnio zahtjev za novčanu pomoć, kao i da po istom osnovu nije bila isplaćena naknada iz Budžeta Općine Bužim,

f) ovjerenu izjavu državnog službenika ili namještenika da on snosi dodatne troškove nastale po osnovu teške bolesti, povrede ili invalidnosti ili člana uže porodice,

g) dokazi o ispunjavanju uvjeta po stavu (8) ovog člana, kao i potvrda poslodavca o radnom odnosu, ukoliko se novčana pomoć traži za oboljelog člana porodičnog domaćinstva koji je u radnom odnosu,

h) otpusno pismo i druga medicinska dokumentacija, koja do dana predaje zahtjeva nije starija od šest mjeseci (odnosi se i na pogoršanje zdravstvenog stanja, u skladu sa stavom (4) ovog člana.

(13) Ovjerene izjave koje je potrebno priložiti uz zahtjev, na dan predaje zahtjeva ne mogu biti starije od 30 dana.

(14) Nadležna služba za opću upravu i društvene djelatnosti je dužna u roku od tri dana od dana kompletiranja dokemuntacije zahtjev proslijediti Komisiji (predsjednik i dva člana) za davanje mišljenja na zahtjeve za jednokratnu novčanu pomoć u slučaju povrede na radu, teške bolesti ili invalidnosti državnog službenika, namještenika ili člana njegove uže porodice, koju rješenjem godišnje imenuje Općinski načelnik.

(15) Komisija iz stava (14) ovog člana daje i dostavlja Službi za opću upravu i društvene djelatnosti mišljenje na zahtjeve za ostvarivanje jednokratne novčane pomoći koji su podnijeti od strane državnih službenika i namještenika općinskog organa.

(16) Rješenje o isplati naknade iz stava (1) ovog člana donosi Općinski načelnik putem službe za opću upravu i društvene djelatnosti.

(17) Zahtjevi podnijeti prije stupanja na snagu ovog Pravilnika, a koji su ostali neriješeni imaju se riješiti u skladu sa odredbama ovog Pravilnika.

(18) pri odlučivanju o zahtjevima iz stava (17) ovog člana ne primjenjuje se rok iz stava (11) ovog člana.

#### **Član 24.**

(Naknada za slučaj smrti i pravo na osiguranje od posljedica nesretnog slučaja)

(1) U slučaju smrti državnog službenika i namještenika njegovoj porodici se isplaćuju troškovi sahrane u visini četiri prosječne neto plaće isplaćene u Federaciji Bosne i Hercegovine prema zadnjem objavljenom statističkom podatku.

(2) Naknada iz stava (1) ovog člana isplaćuje se i u slučaju smrti člana uže porodice državnog službenika i namještenika.

(3) Članom uže porodice državnog službenika i namještenika u smislu stava (1) ovog člana smatraju se:

a) bračni i vanbračni drug ako žive u zajedničkom domaćinstvu,

b) dijete (bračno, vanbračno, usvojeno, pastorče i dijete bez roditelja uzeto na izdražavanje do 18 godina odnosno do 26 godina starosti ako se nalaze na redovnom školovanju i nisu u radnom odnosu, a djeca nesposobna za rad bez obzira na starosnu dob),

c) roditelji (otac, majka, očuh, maćeha i usvojitelji),

d) braća i sestre bez roditelja do 18 godina odnosno do 26 godina starosti ako se nalaze na redovnom školovanju i nemaju drugih prihoda već ih korisnik naknade stvarno izdržava ili je obaveza njihovog izdržavanja zakonom utvrđena, a ako su nesposobni za rad, bez obzira na starosnu dob, pod uvjetom da s njima živi u zajedničkom domaćinstvu i

e) unučad ako nemaju roditelja i žive u zajedničkom domaćinstvu sa državnim službenikom i namještenikom.

(4) Ukoliko u općinskom organu rade dva ili više članova porodice, troškovi sahrane iz stava (1) i (2) ovog člana isplaćuje se samo jednom zaposlenom članu porodice, uz pismenu saglasnost drugih zaposlenih članova porodice.

(5) Zahtjev za isplatu naknade iz stava (1) i (2) ovog člana državni službenik i namještenik podnosi Općinskom načelniku putem nadležne Službe za opću upravu i društvene djelatnosti, koja se utvđuje rješenjem.

(6) Kao dokaz za ostvarivanje prava na naknadu za slučaj smrti državnog službenika i namještenika, uz zahtjev iz stava (5) ovog člana se prilaže:

a) dokaz o smrti državnog službenika i namještenika (potvrda o smrti ili izvod iz matične knjige umrlih);

b) dokaz o srodstvu umrlog državnog službenika ili namještenika i člana njegove uže porodice (izvod iz matične knjige vjenčanih, rođenih ne stariji od 30 dana);

c) kopija računa banke podnosioca zahtjeva,

(7) Kao dokaz za ostvarivanje prava na naknadu za slučaj smrti člana uže porodice, uz zahtjev iz stava (5) ovog člana se prilaže:

a) dokaz o smrti člana uže porodice državnog službenika i namještenika (potvrda o smrti ili izvod iz matične knjige umrlih);

b) dokaz o srodstvu državnog službenika i namještenika za umrlog člana njegove uže porodice (izvod iz matične knjige vjenčanih, rođenih ili drugi odgovarajući dokaz ne stariji od 30 dana).

c) dokaz o zajedničkom domaćinstvu sa umrlim članom uže porodice iz člana 23. stav (3) tačka a), d) i e) (obavijest o evidenciji prebivališta/boravišta ne starija od 30 dana).

(8) Državni službenik i namještenik ima pravo na osiguranje od posljedica nesretnog slučaja sa uključenim rizikom od prirodne smrti za vrijeme trajanja radnog odnosa u općinskom organu.

(9) Ugovor o osiguranju sa odgovarajućom kućom zaključuje Općinski načelnik za sve državne službenike i namještenike zaposlene u tom organu u skladu sa Kolektivnim ugovorom.

#### Član 25.

(Otpremnina)

(1) Državni službenik i namještenik ima pravo na otpremninu pri odlasku u penziju u visini svojih pet ostvarenih prosječnih neto plaća isplaćenih u predhodnih pet mjeseci ili 5 prosječnih neto plaća isplaćenih u Federaciji Bosne i Hercegovine prema

posljednjem objavljenom podatku Federalnog zavoda za statistiku bez obzira da li odlazi u starosnu, invalidsku ili prijevremenu penziju u skladu sa zakonom uz primjenu povoljnijeg prava uposlenika.

(2) Pravo na otpremninu utvrđuje se rješenjem o prestanku radnog odnosa zbog ispunjavanja uslova za odlazak u penziju kojeg donosi Općinski načelnik putem službe za opću upravu i društvene djelatnosti i isplaćuje se se uz isplatu zadnje pripadajuće plaće.

#### Član 26.

(Naknada u slučaju prekobrojnosti)

(1) U slučaju prestanka radnog odnosa državnog službenika i namještenika općinskog organa zbog prekobrojnosti, taj državni službenik i namještenik ima pravo na naknadu u iznosu i to:

a) za radni staž do 10 godina naknada iznosi tri neto plaće državnog službenika i namještenika,

b) za radni staž od 11 do 30 godina naknada iznosi šest neto plaća državnog službenika i namještenika

c) za radni staž preko 30 godina naknada iznosi deset neto plaća državnog službenika i namještenika

(2) Pravo na naknadu iz stava (1) ovog člana utvrđuje se rješenjem o prestanku radnog odnosa zbog prekobrojnosti kojeg donosi Općinski načelnik putem Službe za opću upravu i društvene djelatnosti.

#### Član 27.

(Naknada za izuzetne rezultate u radu)

(1) Općinski načelnik može na obrazloženi pismeni prijedlog neposredno nadređenog, za izuzetne rezultate u radu nagraditi državnog službenika i namještenika do 20% od osnovne plaće, najviše dva puta godišnje u skladu sa raspoloživim sredstvima.

(2) Pod izuzetnim rezultatima u radu podrazumijeva se:

a) kvalitetno i efikasno obavljanje zadanih poslova prije planiranih rokova, kao i izvršenje vanredno povećanog obima posla radnog mjesta u odnosu na obim utvrđen planom rada;

b) privremeno obavljanje poslova drugog stalno popunjenog radnog mjesta, u slučaju odsutnosti s posla zaposlenog po bilo kom osnovu dužem od deset radnih dana, izuzev po osnovu korištenja godišnjeg odmora, pod uslovom da zaposleni ne ostvaruje pravo na naknadu po istom osnovu, uz taksativno navođenje izvršenih poslova drugog radnog mjesta;

c) rad u komisijama (radne grupe, timovi, jedinice) u kojima se rješava o najsloženijim poslovima u okviru nadležnosti organa uprave, a koji nisu direktno vezani za opis poslova radnog mjesta pod uslovom da zaposleni ne ostvaruje pravo na naknadu po tom osnovu;

(3) Pravo iz stava (1) i (2) ovog člana ostvaruje se rješenjem kojeg donosi Općinski načelnik putem Službe za opću upravu i društvene djelatnosti, samo ukoliko u pismenom prijedlogu neposredno nadređenog ima ispunjen i obrazložen najmanje jedan kriterij iz predhodnog stava ovog člana.

### Član 28.

(Naknada u slučaju obavljanja dodatnih poslova drugog radnog mjesta)

(1) Općinski načelnik će donijeti rješenje kojim se osnovna plaća državnog službenika i namještenika uvećava za procenat do 20% za period u kome, državni službenik ili namještenik pored poslova svog radnog mjesta privremeno obavlja poslove drugog radnog mjesta koje je sistematizirano, a nije stalno popunjeno.

(2) Općinski načelnik je obavezan donijeti posebno rješenje o privremenom obavljanju poslova drugog radnog mjesta putem službe za opću upravu i društvene djelatnosti.

Odjeljak D. Ostvarivanje prava na plaću i naknade

### Član 29.

(Ostvarivanje prava na plaću i naknade)

(1) O plaćama i naknadama utvrđenim ovim Pravilnikom za državne službenike i namještenike u općinskom organu odlučuje Općinski načelnik rješenjem putem nadležne službe za opću upravu i društvene djelatnosti.

(2) Protiv rješenja iz predhodnog stava može se izjaviti žalba u roku od 8 dana od dana prijema rješenja Odboru državne službe za žalbe.

(3) Lice iz člana (2) koje nije zadovoljno konačnom odlukom po žalbi ima pravo da u roku od 30 dana traži zaštitu svojih prava pred nadležnim sudom.

Odjeljak E- Plaće za pripravnike i naknade za volontere

### Član 30.

(Visina plaće za pripravnike)

(1) Plaća pripravnika visoke (180 ECTS i 240 ECTS) više i srednje stručne spreme u organima državne službe utvrđuje se u iznosu i to:

a) za visoku školsku spremu u iznosu od 80% od početne osnovne plaće utvrđene za radno mjesto stručnog saradnika;

b) za višu školsku spremu u iznosu od 80% od početne osnovne plaće utvrđene za radno mjesto samostalnog referenta

c) za srednju stručnu spremu u iznosu od 80% od početne osnovne plaće utvrđene za radno mjesto referenta;

(2) Visina nakande iz stava (1) ovog člana određuje se od osnovne plaće odgovarajuće školske spreme.

### Član 31.

(Visina naknade za volontere)

(1) Volonteri visoke (180 ECTS i 240 ECTS), više i srednje stručne spreme u organima državne službe imaju pravo na naknadu, i to:

a) za visoku školsku spremu u iznosu od 35% od osnovne plaće utvrđene za radno mjesto stručnog saradnika;



b) za višu školsku spremu u iznosu od 35% od osnovne plaće utvrđene za radno mjesto samostalnog referenta;

c) za srednju stručnu spremu u iznosu od 35% od osnovne plaće utvrđene za radno mjesto referenta;

(2) Visina naknade iz stava (1) ovog člana određuje se od osnovne plaće odgovarajuće školske spreme.

Odjeljak F- Obračun i isplata plaće

### Član 32.

(Način obračuna i isplata plaće)

(1) Plaća se obračunava za jedan mjesec unatrag i isplaćuje za predhodni mjesec.

(2) Plaća iz stava (1) ovog člana utvrđuje se rješenjem kojeg donosi Općinski načelnik.

(3) Rješenje sadrži: lične podatke državnog službenika i namještenika, radno mjesto na koje je postavljen, platni razred i sve elemente koji su uzeti u obzir za utvrđivanje visine plaće.

(4) Podaci o plaćama državnih službenika i namještenika su javni.

(5) Sve izmjene o visini plaće vrše se rješenjem kojeg donosi Općinski načelnik.

## POGLAVLJE II. OSIGURANJE SREDSTAVA ZA PROVEDBU ODLUKE

### Član 33.

(Sredstva za plaće i naknade)

Finansijska sredstva za plaće i naknade i druga primanja zaposlenih u općinskom organu planiraju se i osiguravaju u bužetu Općine Bužim.

## DIO TREĆI-PRELAZNE I ZAVRŠNE ODREDBE

### Član 34.

(Donošenje rješenja)

Općinski načelnik će u roku od 15 dana od dana stupanja na snagu ovog Pravilnika donijeti rješenja o plaćama državnih službenika i namještenika u skladu sa ovim Pravilnikom.

### Član 35.

(Prestanak primjene odredbi drugih odluka)

Danom stupanja na snagu ovog Pravilnika stavlja se van snage Pravilnik o plaćama i naknadama državnih službenika i namještenika u Jedinostvenom općinskom organu uprave Općine Bužim (Službeni glasnik općine Bužim, broj:12/15).

### Član 36.

(Stupanje na snagu)

Ovaj Pravilnik stupa na snagu danom objavljivanja u Službenom glasniku Općine Bužim, a primjenjivat će se od 01.01.2024 godine.

Broj: 02-02-3766/23

OPĆINSKI NAČELNIK

Bužim, 28.12.2023

Mersudin Nanić  
dipl.ing.inf., s.r.

## 150.

Na osnovu člana 44. i 63. Zakona o plaćama i naknadama u organima vlasti Federacije BiH („Službene novine Federacije BiH“ broj: 45/10, 111/12, 20/17), člana 47. Zakona o plaćama i naknadama u organima vlasti Unsko-sanskog kantona Federacije BiH (Službeni glasnik USK, broj 11/15 i 24/18), Odluke o plaćama i naknadama nosioca izvršnih funkcija i savjetnike u Općinskim organima vlasti (Sl.glasnik općine Bužim, broj: 8/23) člana 38. Statuta Općine Bužim („Službeni glasnik općine Bužim“, broj: 12/15) Općinski načelnik općine Bužim, donosi:

## PRAVILNIK

### o plaćama i naknadama nosioca izvršnih funkcija i savjetnika u općinskom organu vlasti Općine Bužim

## DIO PRVI –UVODNI DIO

### Član 1.

(Predmet Pravilnika)

Ovim Pravilnikom uređuju se plaće, naknade, visina i način ostvarivanja prava na naknade i dodatke na plaću Općinskog načelnika i savjetnika Općinskog načelnika.

## Član 2.

(Definicija pojmova korištenih u ovom Pravilniku)

1) Pojmovi korišteni u ovom Pravilniku imaju sljedeća značenja:

1) „organ državne službe,, u smislu ovog pravilnika, predstavlja Jedinštveni općinski organ uprave Općine Bužim;

2) „rukovodilac općinskog organa uprave, u smislu ovog pravilnika je Općinski načelnik;

3) „koeficijent,, predstavlja brojčanu vrijednost koja se iskazuje arapskim brojevima i služi za utvrđivanje visine osnovne plaće;

4) „osnovica za obračun plaće,, predstavlja novčani iznos u konvertibilnim markama (u daljem tekstu: KM) koji se koristi za određivanje osnovne plaće.

5) „bod za obračun plaće“ predstavlja brojčanu vrijednost koja množenjem sa osnovicom za plaću i utvrđenim koeficijentom platnog razreda daje osnovnu plaću nosioca izvršnih funkcija i savjetnike Općinskog načelnika.

## Član 3.

(Budžetsko osiguranje sredstava za plaće i naknade)

Finansijska sredstva za plaće, naknade i druga primanja nosioca izvršnih funkcija, savjetnika u Općinskom organu uprave planiraju se i osiguravaju u budžetu Općine Bužim (u daljem tekstu: Budžet Općine).

## Član 4.

( Način utvrđivanja osnovice za plaću i boda za obračun plaće)

(1) Općinski načelnik u dogovoru sa sindikatom utvrđuje osnovicu za plaću i bod za obračun plaće.

Utvrđivanje osnovice i boda vršiće se u pregovorima između Općinskog načelnika s jedne strane i reprezentativnog sindikata s druge strane sporazumom, a prije usvajanja budžeta za narednu godinu.

(2) Ukoliko se ne postigne dogovor između Općinskog načelnika i sindikata, Općinski načelnik će Odlukom utvrditi osnovicu za plaću i bod za obračun plaće pri čemu visina osnovice ne može biti niža od prethodno dogovorene, odnosno važeće.

(3) Osnovica za obračun plaće ne može biti veća od dogovorene osnovice na federalnoj razini. Osnovica za obračun plaće usklađivat će se sa odredbama Zakona o budžetima u Federaciji Bosne i Hercegovine, odnosno sa raspoloživim sredstvima za ove namjene predviđenim u budžetu Općine Bužim.

## Član 5.

( Elementi za utvrđivanje osnovne plaće )

(1) Osnovna plaća se utvrđuje množenjem osnovice za plaću i boda za obračun plaće, utvrđenu na način iz člana 4. ovog Pravilnika, sa utvrđenim koeficijentom platnog razreda i tako utvrđeni iznos uvećava se za 0,6 % za svaku započetu godinu penzijskog staža lica iz člana 1. ovog Pravilnika, a najviše do 20%.

(2) Osnovna plaća obračunava se i iskazuje mjesečno za puno radno vrijeme.

## DIO DRUGI- PLAĆE I NAKNADE

Odjeljak A. Osnovna plaća

## Član 6.

(Određivanje plaće prema radnim mjestima)

Općinski načelnik ostvaruje pravo na platu danom potvrđivanja izbora.

Savjetnik Općinskog načelnika pravo na plaću ostvaruje danom imenovanja na funkciju sacjetnika.

## Član 7.

( Bruto i neto plaća)

Plaća se utvrđuje u bruto i neto iznosu.

Plaća u bruto iznosu obuhvaća neto plaću, poreze i doprinose.

Plaća se obračunava za jedan mjesec unatrag i isplaćuje za prethodni mjesec.

Plaća se utvrđuje rješenjem kojeg donosi Općinski načelnik.

Rješenje sadrži: osnovne podatke , radno mjesto na koje je postavljen, sve elemente koji su uzeti u obzir za utvrđivanje visine plaće.

Podaci o plaćama su javni. Sve izmjene o visini plaće vrše se rješenjem kojeg donosi Općinski načelnik.

#### Član 8.

(Koeficijenti za obračun plaće)

Općinski načelnik ----- 9,80

Savjetnik Općinskog načelnika ----- 6,40

Odjeljak B. Naknade

#### Član 9.

Općinski načelnik i Savjetnik Općinskog načelnika imaju pravo na naknade utvrđene odredbama člana 10. do 15. ovog Pravilnika.

#### Član 10.

(Naknada plaće zbog bolesti ili povrede)

(1) Općinski načelnik i Savjetnik Općinskog načelnika imaju pravo na naknadu plaće za vrijeme privremene spriječenosti za rad (bolovanje) do 42 kalendarska dana u visini njegove neto plaće isplaćene za prethodni mjesec.

(2) Naknada plaće za bolovanje preko 42 dana iz stava (1) ovog člana ostvaruje se po propisima kantona, kojim se uređuje naknada za ovo bolovanje, s tim da razliku do pune plaće isplaćuje općinski organ uprave .

(3) Privremena spriječenost za rad (bolovanje) dokazuje se Izvještajem o privremenoj spriječenosti za rad-doznakom izdatom od nadležne zdravstvene ustanove.

(4) Lica iz stava 1. ovog člana imaju pravo na naknadu plaće u punom iznosu koju su ostvarili za predhodni mjesec ako je do odsutnosti s posla došlo iz razloga povrede na radu.

#### Član 11.

(Naknada za troškove ishrane - topli obrok)

(1) Općinski načelnik i savjetnik Općinskog načelnika ima pravo na novčanu naknadu za ishranu u toku rada (topli obrok) u visini 1% prosječne neto plaće isplaćene u Federaciji Bosne i Hercegovine po zadnjem objavljenom statističkom podatku.

(2) Lica iz stava (1) ovog člana ne ostvaruju pravo na naknadu za topli obrok za dane odsustvovanja sa posla po bilo kom osnovu (službeni put, plaćeno odsustvo, godišnji odmor, bolovanje i sl

(3) Naknada iz stava 1. se isplaćuje na osnovu evidencije o prisustvu na poslu.

#### Član 12.

(Naknada za godišnji odmor i plaćeni dopust)

(1) Općinski načelnik i savjetnik općinskog načelnika ima pravo na novčanu naknadu na ime regresa za korištenje godišnjeg odmora u visini 50 % prosječne neto plaće isplaćene u Federaciji Bosne i Hercegovine po zadnjem objavljenom statističkom podatku za tri mjeseca.

(2) Pravo na regres iz stava (1) ovog člana utvrđuje se rješenjem o korištenju godišnjeg odmora kojeg donosi Općinski načelnik putem službe za opću upravu, a isplaćuje u drugoj polovini jula tekuće godine .

#### Član 13.

(Naknada za slučaj smrti , teške bolesti i invalidnosti)

(1) Općinski načelnik i savjetnik Općinskog načelnika naknadu za slučaj smrti, teške bolesti i invalidnosti ostvaruju na način i pod uvjetima kako je to predviđeno za državne službenike i namještenike u Općinskom organu uprave Općine Bužim.

Broj: 02-02-3391/23

OPĆINSKI NAČELNIK

Bužim, 13.12.2023

Mersudin Nanić  
dipl.ing.inf., s.r.

#### Član 14.

(Otpremnina)

(1) Općinski načelnik i savjetnik Općinskog načelnika imaju pravo na otpremninu prilikom odlaska u penziju u iznosu od pet njihovih prosječnih plaća isplaćenih u prethodnih pet mjeseci.

#### Član 15.

( Naknada za službeno putovanje)

(1) Općinski načelnik, Savjetnik Općinskog načelnika imaju pravo na naknadu za troškove službenog putovanja izvan Unsko-sanskog kantona na području Federacije Bosne i Hercegovine, odnosno Bosne i Hercegovine, kao i za putovanja u inostranstvo, na koje se upućuju na izvršenje službenog zadatka.

(2) Visina i način ostvarivanja naknade iz stava (1) ovog člana utvrđuje Vlada Federacije Bosne i Hercegovine u skladu sa Kolektivnim ugovorom.

### DIO TREĆI-PRELAZNE I ZAVRŠNE ODREDBE

#### Član 16.

(Prestanak primjene odredbi drugih Pravilnika)

Početak primjene ovog Pravilnika stavlja se van snage Pravilnik o plaćama i naknadama državnih službenika i namještenika u Jedinostvenom općinskom organu uprave Općine Bužim (Službeni glasnik općine Bužim, broj: 2/15, 10/16, 11/16 i 4/17).

#### Član 17.

(Stupanje na snagu)

Ovaj Pravilnik stupa na snagu danom objavljivanja u Službenom glasniku Općine Bužim, a primjenjivat će se od 01.01.2024 godine.

# S A D R Ž A J

## OPĆINSKO VIJEĆE

138. ODLUKA o utvrđivanju bazne cijene kao osnovice za obračun naknade za uređenje građevinskog zemljišta za 2024. godinu na područje općine Bužim ..... 1
139. ODLUKA o davanju saglasnosti za potpisivanje sporazuma u projektu uređenja korita Bužimnice.. 2
140. O D L U K A, Broj: 01-11-4204/23 ..... 3
141. ODLUKA o izmjeni i dopuni Odluke o organizaciji i djelokrugu rada općinskog organa uprave općine Bužim..... 3
142. ODLUKA o utvrđivanju vrijednosti boda za komunalnu naknadu..... 4
143. ODLUKA o utvrđivanju prosječne konačne građevinske cijene 1 m<sup>2</sup> korisne stambene površine u 2024. godini na području općine Bužim..... 5

144. ODLUKA o promjeni statusa nekretnine u javnoj upotrebi..... 5
145. Z A K L J U Č A K, Broj: 01-04-3634/23..... 6
146. Z A K L J U Č A K, Broj: 01-04-4294/23..... 6
147. Z A K L J U Č A K, Broj: 01-34-3570/23..... 7
148. Z A K L J U Č A K, Broj: 01-34-3210/23..... 7

## OPĆINSKI NAČELNIK

149. PRAVILNIK o plaćama i naknadama državnih službenika i namještenika u Jedinostvenom općinskom organu uprave Općine Bužim..... 7
150. PRAVILNIK o plaćama i naknadama nosioca izvršnih funkcija i savjetnika u općinskom organu vlasti Općine Bužim .....17